


K 270.914
3

ხარეს კაკაბაძე



გენეალოგია

დიდის ალექსანდრე მეფისა



ტფილისი.

ელექტრო-მეჭდვეი „ნადეჟდა“.


1913 წ.

საქართველოს
ბიბლიოთეკა
4703/9
კ. 218

სარგის კაკაბაძე

გენეალოგია დიდის ალექსანდრე მეფისა

63496



ტფილისი.

ელექტრო-მექანიკური „ნადიშა“.

1913 წ.

გენეალოგია დიდის ალექსანდრე მეფისა.

„ქართლის ცხოვრების“ შედგენისა და ვახუშტის გენეალოგის მიხედვით დიდი ალექსანდრე მეფე, რომელიც მეფობდა 1412—1442 წ. ითვლება გიორგი მეფის შვილად, რომელიც ვახუშტით მოკლულ იქმნა 1407 წ. „ქართლის ცხოვრების“ შედგენის მიხედვით ამ გიორგის წინამოადგილე იყო მეფე დავით, დიდის ბაგრატისძე. დავითის შემდეგ მეფობდა ძე მისი გიორგი და გიორგის შემდეგ ძე ამისი დიდი ალექსანდრე. ვახუშტიმ რამოდენადმე შეასწორა ეს მძიმე შეცდომა. ბაგრატის სიკვდილის შემდეგ 1395 წ. მან მოათავსა გიორგი მეფის მეფობა. ამ გიორგის სიკვდილის შესახებ ვახუშტის ეპოვნა შემდეგი ქრონიკული ცნობა: „ქორონიკონს 95, ქრისტეს აქეთ 1407, დიდი ომი იყო, მოკლეს მეფე გიორგი თურქთა და ძმა მისი კოსტანტინე მეფედ იქმნა.“*) ამ ქრონიკულს ცნობის მიხედვით ვახუშტიმ შეიტანა თავისს ისტორიაში კოსტანტინეს მეფობა, ხოლო ალექსანდრე, რომელიც 101 ქორონიკონს გამეფდა, ისევ გიორგი მეფის შვილად დასტოვა. შემდეგ, ეს გიორგი მეფე და ძმა მისი კოსტანტინე ვახუშტით ითვლებიან იმ დიდ ბაგრატის შვილებად, რომელიც თემურლენგის თანამედროვე იყო და ქრონიკულ ცნობების მიხედვით 1395 წ. გარდაიცვალა. უკანასკნელ, თვით დიდი ბაგრატ ვახუშტით უნდა ყოფილიყო გიორგი ბრწყინავლის ძის დავით მეფის შვილი, რომელიც მისი გამოანგარიშებით ტახტზედ დაჯდა 1360 წელს მამის სიკვდილის შემ-

*) უწყებულება მკითხველ. ქ. ც-ბა, II, 5.

დღგ. ამის და მიხედვით ვახუშტის მიერ შეუშავებული გენეალოგიური ტაბულა XIV საუკ. მეორე ნახევრისა და მე-XV საუკ. პირველ ნახევრის საქართველოს მეფეებისა შემდეგ ნაირად გვგხატება:

მეფე დავით 1346 1360

ამიყენ ცხოვესცელე იფიფ დავთაგეშტე
ზაგრატ დილინ 1360 — 1395.

ლოგეშტე პიტანტაე თე ამიგიფენ *სინტრომოდე პიოლოტე*
 თებოფენ კიოუნსორ დენენ ცხოვესცელე იფიფ დავთაგეშტე პიიგ
 ციუტელოტე ციოლოფენ პიფენ იგბოიგ ანუტელოტე *სინტრომოდე პიოლოტე*
 სინტრომოდე პიოლოტე *სინტრომოდე პიოლოტე*
 დენენ ლეფი ციოიგთელონამაშუ პიოლოტე ნე დიფთეშტინ პიგაფენ

გიორგი
1395 — 1407

კოსტანტინე
1407 — 1414

ალექსანდრე სილი
1414 — 1442.

ახლა ჩვენ შევეცადოთ გადავსინჯოთ არსებულ მასალებს მიხედვით ამ გენეალოგიურ ტაბულის სინამდვილე. ამ თბილისის ქართლისტორიულ და ეთნოგრაფიულ საზოგადოების მუზეუმში დაკულია ერთი ჩვენთვის საინტერესო საბუთი, რომელიც შეცდომებით დაბეჭდილი იყო „საქართველო სიძველეთა“ მე-III ტ. გვ. 434—435. ეს საბუთი წარმოადგენს კოსტანტინე მეფის სიგელს, რომელიც ბოძებულია 1408 წელს — 96 ქორონიკონს, დაწერილია ტყაყზე ზომით $257\frac{1}{2} \times 222\frac{2}{3}$ სანტმ. აი ეს სიგელი სრულიად გუჯვლელად: დნობო ტეანტეფიგენ პიტეატეან თეთ ნი მაინტეფთი თიტანტაე. კოტე სახელ ითა: ღმრთი[სათა: კოსტანტინესაგან: ზაგრატონიანისა: ძის[ა: ზაგრატისა: და: ძეთა: ჩვენთა: [სასურ]ვეთა: ალექსანდრე: ზაგრატ: და: [გიორ]გისაგან: ნებითა: ღთის: თა: აფხაზთა: ქართველთა: რანთა: კახთა: და: სლო[მებთა:] მეფეთა: შარვანშა: და შანშე: [და] ყოველ ისა: აღმოსავლეთისა: საქართველო[სა:] და ჩრდილოეთისა: ლიხთიმერისა: და ლიხთა-

მერისა: კე[ლმ]წიფედ: თუთ: მფლობელ: მპყრობელთასა:
მოვიდეს: წ'ე: ჩუენსა: ცირლილაძენი: დიდისა: გენათისა: და:-
ცათა: მობაძავისა: ახლისა: იერუსალიმისა: მეღუენეთ: უხუცესი:
ნავროზ: მისნი: - ბიძანი: და ძმანი: ვარდან: შალვა: ივანე: ლუ-
ლუნაი: ესტატე: გუეაჯეს: და მოგუაქსენეს: რათამცა: ერთგუ-
ლობა: ნამსახურთა: მისთა: სანაცლოდ: სიგლითა: ამით: შეგუე-
წყალა: პაპთა: ჩუენთაგან: ძუელადა: შეწყალებულნი: სასი-
სხლოთა: სიგლითა: და დასხმულნი კელდასმათ: ძმისა: ჩუენისა:
მეფისა: გიორგის: სიკუდილისა: შედეგად: მათითა: ივკაცო-
ბითა: კურსებმან: ძუელი: სასისხლო: სიგელი: დაუწვეს: და
წაუხდინეს: დაგუაჯ[ერა:] ღმერთმან: ვისმინეთ: ჰჯა: და: მოკ-
სენება: დიდად: კართა: ჩუენთა: ზედა: დაზრდილთა: და ნამ-
სახურთა: და დიდისა: მონასტრისა: ახლისა: იერუსალიმისა:
გენათისა: მეღუენეთ: უხუცესისა: ნავროზისი: მისთა: ძმათა: და
ბიძათა: ცირლილასძეთა: ვარდანისი: შალვასი: ივანესი: ლულუნა-
ისა: და ესტატესი: შევიწყალეთ: და მიუბოძეთა: ახლად: ძუელი:
იგივე: სისხლი: პაპთა: ჩუენთაგან: გაჩენილი: ასოცი ათასი:
ძველი: თეთრი: მისითა: დასამსმელო: სანახშიროთა: ჰქონ-
დეს: სასისხლო: სიგელი: ესე: ცირლილასძეთა: მეღუენეთ:
უხუცესსა: ნავროზს: ვარდანს: შალვას: ივანეს: ლულუნასა:
და: ესტატეს: მათთა: შეილთა: და სამშობლოთა: და: სახ-
ლის: შეილთა: და მომავლთა: ყოველთავე: ბ'ბა: და სიგე-
ლი: ესე: სასისხლო: აწ: ვინცა: ჰნახოთ: ბ'ბა: და სიგელი
ესე: ჩუენგან: ბოძებული: კარისა: ჩუენისა: ვაზირთა: ერის-
თავთ: ერისთავთა: მანდატურთ: უხუცესთა: დადიანთა: ათა-
ბაგ: ამისპასალართა: სუანთ: ერისთავთა: გურიელთა: ქარ-
თლის: ერისთავთა: დიდებულ: აზნაურთა: ქალაქთა: ჩუენთა:
ამირათ: ამირათა: მექურქლეთა: და მექურქლეთ: უხუცესთა:
ციხისთავთა: და ყოველთავე: ჩუენთა: კელის: მქონებელთა:
დიდათ: და მცირეთა: დაუმტკიცეთ: და ნუ ვინ: უშლით:
ბრძანებასა: და სიგელსა: აპას: - და: ნუცარავინ: დაკლებთ:
ნუ: დიდთა: და: ნუ: მცირესა: თუნიერ: თანა: დგომისა: და:
შეწევნისა: და თქუენ: წმიდანო: მეუფენო: - აფხაზეთისა: და:

ქართლისა: ქათალიკოზნო: და ყოველთავე: მღდელთ: მო-
ძღუარნო: დაჯერებით: დაუმტკიცეთ: დაიწერა: ბზა: და სი-
გელი: ესე: ჩუენი: ინდიკტიონსა: მეფობისა: ჩუენისასა: წელ-
სა: მესამესა: ქრონიკონსა: ჟვ: ივნისსა: და: კელითა: მწირ-
ველისა: ჩუენისა: გურგენისითა:

ხელის მოწერა: ქ:-კოსტანტინე: • ნებითა ღმრთისათა.
ქ:-მეფე. მე: ალექსანდრე: • მოწამე: • ვარ.

ამ სიგელში მოხსენებულია კოსტანტინე მეფის სამი
შვილი—ალექსანდრე, ბაგრატ და გიორგი. ეს ალექსანდრე
არის შემდეგ დროინდელი მეფე, მცხეთის აღმაშენებელი,
რომელსაც, როგორც ცნობილია, მართლაც ყავდა ძმები
ბაგრატ და გიორგი*). კოსტანტინე მეფე ამ სიგელში იხსე-
ინებს თავის წინამოადგილეს და ძმას გიორგი მეფეს, რომე-
ლიც ამგვარად ბიძა იქნებოდა ალექსანდრე მეფისა და მისი
ძმებისა. ამას ამტკიცებს ერთი 1447 წლის სიგელი ალექ-
სანდრე მეფის შვილის გიორგი IX-ს მიერ ბოძებული**), სა-
დაც გიორგი IX ამბობს: „აჰა ესე რა მოწვევულ იყო საშინ-
ელება და რისხვა საშინელებით აღძრული, მსგავსი ცოდვა-
თა ჩუენთა და ჟამსაჰაპის ძმისა ჩუენისა მეფეთა მეფისა გ'გისსა
და მეფობასა და პატრონობასა შინა მისსა მოსრულიყო უს-
ჯულოებით აღძრული და ყოვლისა ქუეყანისა მაოკრებე-
ლი.... უსჯულო თემურ ... საყდარი მცხეთა დაექცია“. ეს
ცნობა, სადაც გიორგი IX, ალექსანდრეს ძე, გიორგი VIII-ს
უწოდებს თავისი პაპის ძმად, სრულიად ეთანხმება ცირლი-
ლასძეთა სიგელის ცნობას. ამ გვარად საბოლოოდ ირკვევა,
რომ ალექსანდრე მეფის მამა ყოფილა კოსტანტინე და არა
გიორგი. ახლა უკვე ცნობილია, რომ ალექსანდრე გამეფდა

*) ქრონიკ. II 144, 221, 226.

**) ჩემი გამოცემა—მცხეთის საკათალიკოსო მამულების გუჯარი, ბოძებული გიორგი IX-ს მიერ 1447 წელს.


1412 წ. 11—19 სექტემბერს*). მამა მისი კოსტანტინე კი ვახუშტის მიერ პოვნილ ქრონიკის მიხედვით უნდა გამეფებულ იყო 95 ქორონიკონს (=1406—1407 წ. 1 სექტემბე). ცირილიასძეთა სიგელი ასწორებს ამ ქრონიკის თარიღსაც. სახელდობრ, 4 ივნისს 1408 წ. ყოფილა მესამე ინდიკტიონი კოსტანტინეს მეფობისა, მაშასადამე კოსტანტინე გამეფებულა არა უადრეს 1405 წ. 5 ივნისისას და არა უგვიანეს 1406 წ. 3 ივნისისას. ვახუშტის მიერ პოვნილ ქრონიკაში, ალბად, ერთწლოვანი შეცდომა იქნებოდა და ამიტომ კოსტანტინეს გამეფება საფიქრებელია 1405 წლის დასასრულს ან 1406 წ.

ცირილიასძეთა სიგელი კიდევ იმით არის საინტერესო, რომ ადასტურებს ვახუშტის ქრონიკის ცნობას გიორგი და კოსტანტინეს ძმოს შესახებ. გარდა ამისა, კოსტანტინე სიგელში წოდებულია ბაგრატის ძედ. მაშასადამე როგორც გიორგი მეფის, ისე კოსტანტინე მეფის მამა ყოფილა ბაგრატ-ვახუშტიც ამ მეფეების მამად სთვლის ბაგრატს, რომელიც ჩვენს ისტორიაში ცნობილია დიდად და რომელიც ქრონიკულ ცნობების მიხედვით 1395 წ. გარდაიცვალა. მაგრამ ზოგიერთი ვარაუდობა თითქოს ამგვარ აზრის წინააღმდეგი უნდა იყოს. სახელდობრ, დანამდვილებით ცნობილია, რომ ამ დიდი ბაგრატის ცოლს ერქვა სახელია ანა. ეს ბაგრატ მეფე და ანა დედოფალი დაატყვევა ლანგთემურმა 1385 წ. ტფილისის აღების დროს, როგორც ეს დანამდვილებით ცნობილია როგორც ქართულ, ისე უცხო წყაროებიდან. ეს ანა დედოფალი იყო ასული ტრაპეზუნტის მეფის ალექსი III-სა (1349—1390) და მითხოვდა „ივერიისა და აფხაზეთის“ მეფეს ბაგრატს, მიქაელ ფანარეტის ქრონიკის მიხედვით, 1367 წელს.**) ანა დედოფალი ყავდა ძმა მანოელ III მეფე (1390—1417), ხოლო ამ მანოელის შვილის შვილმა იოანემ ცოლად შეირაო საქართველოს მეფის ალექსანდრეს ქალი, რომლის

*) ჩემი—დიდის ალექსანდრეს გამეფების თარიღი.

**) Трапез. хрон. Панарета, изд. Хаханова, 37.

სახელი ცნობილი არ არის.*) რაკი მიღებული სქემით, ალექსანდრე მეფე შვილისშვილია ბაგრატ მეფისა (†1395), რომლის ცოლი იყო ანნა დედოფალი, მაშინ მივიღებთ შემდეგ გენეალოგიურს ტაბულას:



ამ ტაბულის მიხედვით გამოდის, რომ ალექსანდრე მეფე, რომლის ქალი შეირთო იოანემ, და ეს უკანასკნელი მეორე მუხლის ბიძაშვილები ყოფილან. ასეთს ახლო ნათესავებს ეკლესია ქორწინების ნებას არასოდეს არ დართავდა. ჯერ ეს მოსაზრება ცადად გვიჩვენებს, რომ ის ბაგრატ მეფე, რომელიც თემურლენგს ტყვედ ჩაუვარდა და რომელიც გარდაიცვალა 1395 წელს, არ უნდა იყოს მამა გიორგი და კოსტანტინე მეფეებისა და პაპა დიდი ალექსანდრესი. ამას აბტყიცებს კიდევ შემდეგი გარემოება. მიქაელ ფანარეტის

*) იქვე, 48.



ქრონიკით, თემურლენგს ბაგრატ მეფესა და ანნა დედოფალთან ერთად ხელთ ჩაუვარდა ძე მაათი დავით.*) ერთს თ. კორდანიას მიერ ნაპოვნი მოსახსენებელიდან სწანს, რომ ბაგრატ მეფეს, გიორგისა და კოსტანტინეს მამას, და მათს დედას ყოლია მარტო ორი ვაჟ—ეს გიორგი და კოსტანტინე**), დავითზე ამ მოსახსენებელში არაფეულია ნათქვამი: ცხადია, გიორგისა და კოსტანტინეს არ ყოლიათ ძმა სახელით დავით და მაშასადამე ეხლა კიდევ უფრო მტკაცდება, რომ ბაგრატ-ანნა გიორგისა და კოსტანტინეს დედმამა არ უნდა ყოფილიყვნენ. ამის და მიხედვით გიორგის გამეფებაც 1395 წელს კი არ უნდა მიეწეროს, არამედ სხვა დროს. ახლა ჩვენ უნდა გამოვარკვიოთ, მაშ ვინ უნდა იყოს ის ბაგრატ მეფე, რომელიც ცირდილასძეთა სიგელში კოსტანტინეს მამად არის მოხსენებული და როდის ცხოვრობდა ის. ამ საკითხის გარკვევაში ჩვენ დაგვეხმარება ერთი სიგელი, რომელიც უნახავს მ. ბროსეს და რომლის შინაარსი ფრანგულად მას დაბეჭდილი აქვს თავის *Histoire de la Géorgie*, t. II, l. II, p. 462.

En la 26-e indiction du règne de Giorgi, par le secrétaire Makharebel Thawebilis-Dzé, en l'année pascale 89—1401.

Le roi Giorgi donne à Phalawand Phalawandich-wili, à ses frères Ioané, chef des officiers préposés au vin, et Wardan, ainsi qu' à ses fils Kirkhitha et Sizona, le village ou la terre de Dountha, située à Tchikha. Cet acte est fruste des premières lignes, en sorte que l'on ne connaît le nom du roi donateur que par les apostilles, où il est rappelle'. Ces apostilles, au nombre de quatre, rédigées dans les termes presque identiques, sont: l'une du catholicos de Karthli Elioz; la 2-e, de l'archevêque Giorgi; la 3-e, de Iowane Mrowel ou évêque de Rouïs; la 4-e, de l'archevêque Pha-

*) იქვე 43

**) ქრონიკები II, 247



noël de Kuothaïs; ce qui donne à penser que la concession faite à Phalavand était un bien dépendant de l'église et situé quelque part dans l'Imereth, peut-être dans les environs du lieu aujourd'hui nommé Tchikhor, dans l'Argoueth, dont le nom est une contraction de Tchikhaour, provenant du radical tchikha. On sait, du reste, que le monastère de Djroudch dans l'Argoueth était l'ancienne sépulture des Phalawandichwili.

En outre ces apostilles sont précédées d'une autre, en grands caractères vulgaires enchevêtrés:... კოსტანტინე გვიმტიცებდა ნებიზა ლთისათა... „Nous... Costantiné, nous avons confirmé, par la volonté de Dieu“

სიგელი ამგვარად ბოძებულია გიორგი მეფის მიერ 89 ქორონიკონს (1400—1401 წ. 1 სექტემბ.) მისი მეფობის 26 წელს. სიგელს ამტკიცებს სხვათა შორის კოსტანტინე, რომელიც ცხადია გიორგის ძმა არის. ფალავანდ ფალავანდიშვილი, ვისთვისაც გიორგი მეფეს უბოძებია ეს სიგელი, ის პირი უნდა იყოს, რომელსაც 120 ქორონიკონს (1432 წ.) დაუწერია სასისხლო სიგელი ალექსანდრე მეფის მიერ ბოძებული*. სიგელის დამმოწმებელი ქართლის კათალიკოზი ელიოზ ამ დროს შართლაც განაგებდა საქართველოს ეკლესიას. ეს სიგელი იმით არის ჩვენთვის საყურადღებო, რომ გვიჩვენებს, გიორგის გამეფებას 1375 წლის ახლოს. ცხადია, მამა მისი შაგრატ ამ დროს უნდა მომკვდარიყო. ესლა უფრო ადვილი გასაგებია, თუ რატომ ვანის მონასტრის განგების ერთს მინაწერში 81 ქორონიკონს (1392—1393 წ. 1 სექტემბ.) მოხსენებულია, რომ მინაწერი დაიწერა „მეფობასა გი“ (გიორგისსა**): აქ იგულისხმება საქართველოს მეფე გიორგი VIII,

*) ამ სიგელის ფრანგული თარგმანი დაბეჭდა მ. ბროსემ *Bullet. scientifique*. t. IV 1838, p. 268—272.

***) ისტორ. საბუთებო შიომღვ. მონასტრ., 45.



რომელიც 1375 წლიდან ტახტზედ იჯდა.

მაგრამ მოპოებულ თარიღით საკითხი გადაწყვეტილად ვერ ჩაითვლება, რადგან ერთ მნიშვნელოვან ისტორიულსა-ბუთის მიხედვით მე-XIV საუკ. მეორე ნახევარში სჩანს გიორგი მეფე, აგრეთვე საქართველოს მეფე, რომლის ინდიკტიონის ანგარიში ეწინააღმდეგება გიორგის VIII-ს ზემო გარკვეულ ქრონოლოგიას. ეს საბუთი, უკვე კარგად ცნობილი ლიტერატურაში (მ. ბროსე, თ. ჟორდანიას), არის მცხეთის სიგელი № 38, დაწერილი ქალაქდზე. თავი აკლია და რაც დარჩენილია იმისი ზომა უდრის 227 29 X სანტკ. თავი სიგელისა მე აღვადგინე სხვა მა-XV საუკ. გუჯარების მიხედვით, რომელთაც იმ გვარივე დთვის მეტყველური შესავალი აქვთ, როგორც ქვემოდ მ-ყვანილს. აი ეს სიგელი სრულიად უცვლელად:

[ქ: რომელი: • არს: • და: • რომლისა: • მიერ: • ძა-
ლით: • ექმნეს: • ყოველნი: • აღნაგნი: • არისა: • არ-
სთა: • უცვალბელისა: • უსაზღუროსა: • ძალგანუზომელი-
სა: • გარე: • შემოუწერელისა: • ხოლო: • მიუწდომელო-
ბით: • ცნობილისა: • რომელსა: • ძალნი: • უკორცოთანი: •
თუნიერ: • გარეშე: • მისსა: • სახიერებითა: • ვერ: • მის-
წუთებთან: • ცნობად: • და: • თუალთ: • შედგმად: • რო-
მელსა: • ცანი: • ვერ: • დაიტევენ: • და: • წესნი: •
ანგელოზთანი: • უძრწიან: • რომელსა: • ქუეყანა: • ვითარ-
ცა: • გუგა: • ეგრეთ: • შემოუწერია: • უსაზღვრო: • გა-
ნუცდელი: • და: • გარე: • შემოუწერელი: • ურბამო: •
ურაულო: • ყოველგან: • მყოფი: • და: • ყოველთა: • მხე-
დი: • მბადი: • და: • წარმომარსებელი: • ყოველთა: •
ყოფილთა: • და: • ყოფადთა: • ევა: • ვითარ: • კანისა-
თუის: • ჩუენ: • ცოდვილთასა: • საშოსა: • შენსა: • უთეს-
ლოდ: • და: • უბრწენლად: • შეურევნელად: • და: • შეუგი-
ნებლად: • დაიტია: • დაქუტევენელი: • ცათა: • და: • ქუე-

ყანისა: • და: • თბითა: • კაცობრივითა: • შემოსილ
იქმნა: • რომელმან: • წამის ყოფით: • დაჰბანდა: • ყოვე-
ლნი: • აღნაგნი: • ვითარ: • მონათა: • თანა: • შერაცხი-
ლად: • შევ: • ვიტყუი: • ლ თებებასა: • და: • კაცებასა: •
ორითა: • ბუნებითა: • სრულითა: • რომლისა: • შობასა: •
ანგელოზნი: • ვითარცა: • ლ თსა: • მოგუნი: • ვითარცა: •
მეუფესა: • ვარსკვლავნი: • ვითარცა: • [დამბადე]ბელსა: • ერ-
ნი: • ვითარცა: • მეუფესა: • და: • მწყემსნი: • ვითარცა: • მო-
ნასა: • მსახურებდეს: • რომელსა: • ევნებოდა: • ვითარცა: •
კაცსა: • და: • თავს იღეა: • ჩუენ: • ცთომილთა: • თუის: •
შიმშილი: • წყურილი: • ნაგელულისა: • სუმა: • ყურიმლის
ცემა: • და: • სამსკუალთა: • მიერ: • გუერდსა: • მოწყლვა: •
აჰა: • რომლისა: • მიერ: • აღიკოცა: • ყოველივე: • მო-
მყურიტოვნება: • და: • უსჯულოება: • ცხედარო: • სოლო-
მონისო: • ა[სულო]: • დაკითისო: • რომელი: • შეყუარე-
ბული: • იქმნა: • ძისაგან: • შენისა: • რომელი: • ეგე: •
აღამს: • ემა[მე]: • და: • დედა ექმენ: • ევას: • დედაო
და: • ქალწულად: • მშობელო: • ემანოელისო: • [რ]ომელი: •
ეგე: • სამწლის: • მიყვანებულ: • ექმენ: • ტაძრად: • ტაძრო: •
სულისა: • წმიდისაო: • მახარებელო: • ევას: • ნაშობთა: •
ბრალეულთაო: • ბნელისაგან: • წყუდიადისა: • ნათლად: •
მომყვანებელო: • არა: • მუკლით: • ქალწულო: • გარნა: •
სულისა: • მიერ: • წ[მ]ადისა: • ნათლად: • მოცემისა: •
და: • ჩუენდა: • ზღუდედ: • გამორჩეულო: • წარმმართვე-
ლო: • მეფობისა: • ჩუენისაო: • დიდებაო: • და: • სიმტკი-
ცეო: • სკიპტრა: • პორფირისა: • და: • გურიგუინისა: •
ჩუენისაო: • საშინელიო: • მეტებთა: • ხახულისა: • და: •
ვარძისა: • ლ თისმ შობელო: • მეოხებითა: • და: • შუა-
მდგომელოებითა: • თქუენითა: • მკადრებელმან: • და: • მსა-
სოებელმან: • ძისა: • თქუენისამან: • და: • მონდობილ-
მან: • ცვა: • ფარვათა: • თქუენთამან: • განმავრთებელ-
ღან: • ლიხთ იმერისა: • და: • ლიხთ ამერისამან: •

ორისავე: • სამეფოს: • მტკიცედ: • და: • შეურყეველად: •
მპყრობელმან: • აფხაზთა: • და: • ქართველთა: • მეფემან: •
გვი: • რაოდენი: • ქება: • და: • მადლობა: • შევსწი-
რო: • შენდა: • მომართ: • ვითარი: • ქველის: • საქმე: •
ვქმნე: • წინაშე: • ძისა: • შენისა: • ჩემდა: • მომართ: •
ესრეთ: • წყალობა: • აურაცხელისა: • ვითარცა: • ესერა: •
დღეს: • ბრწყინვენ: • ოთხნივე: • კედარნი: • მეფობისა: •
ჩუენისანი: • და: • შეწევნითა: • და: • წინამძღურებითა: •
ძელისა: • ცხორებისათა: • აგარის: • ნათესაენი: • და: •
მტერნი: • და: • წინა: • აღმდგომნი: • ჩუენნი: • სამარადი-
სოდ: • ლტოლვილ: • და: • უკუნქცეულ: • არიან: • არაყედ: •
მეცა: • ვიგემე: • და: • ვცან: • მოწყალება: • ძისა: • შენი-
სა: • ვითარ: • შეიწირნა: • მწუჟილნი: • იგი: • და: • ჩუენ-
ცა: • არა: • სასო: • წარკუთილ: • ვიქმნენით: • და: • რა-
დმცა: • უკუილაგმა: • გონება: • ჩუენი: • სამსახურებე-
ლად: • სუეტისა: • ღთივ: • აღმართებულისა: • და: • ვითა: •
სამართლად: • გუმართებდა: • ეგრეთ: • ჯერ: • გუიჩნდა: •
გულსმოდგინებით: • კელვყავთ: • და: • გამოწუჟილვით: •
ვიძიეთ: • და: • ვცანით: • რომე: • სულკურთხეულთა: •
პაპთა: • და: • მამათა: • ჩუენთა ძუელთაგან: • სურვი-
ლით: • და: • წადიერებით: • შეწირული: • ქუეყანა: • მე-
ტენნი: • საქმეთა: • რათმე: • შემოსრულობისაგან: • და: •
ჟამთა: • შლილობა: • ქცევისაგან: • ხან: • რაოდენმე: •
შესცულოდა: • და: • აღარა: • ჰქონდა: • და: • აწ: • მან-
ვი: • ჯერჩინებელმან: • წყალობისამან: • გულისკმა: • გუ-
იყო: • ღუწა: • სულისა: • ჩუენისა: • და: • აწ: • ახლად: •
ამა: • სიგლითა: • დაგიმტკიცეთ: • და: • მოგაკსენეთ: •
თქუენ: • წინათვე: • წინასწარმეტყუელთაგან: • მოსწავებულ-
სა: • ქრისტიანეთა: • განმანათლებელსა: • ქათოლიკე: •
ეკლესიისა: • აღმავსებელსა: • სუეტსა: • ღთივ: • აღ-
მართებულსა: • კუართსა: • საუფლოსა: • რომელი: • იქსო-
ვე: • კელთაგან: • ყოვლად: • უბრწუნელთა: • და: • მირონ-

სა: • ღმერთმყოფელისა: • ქუეყანა: • მეტეხნი: • მისითა: •
მიმდგომითა: • მთითა: • ბარითა: • წყლითა: • წისქული-
თა: • ველითა: • ვენაკითა: • ქალითა: • სათიბითა: • შესავ-
ლითა: • და: • გამოსავლითა: • საძებრითა: • და: • უძებრითა: •
და: • მისითა: • სამართლიანითა: • მზღვრითა: • რაც: •
და: • რისთანაც: • მისი: • არის: • ყუელათა: • უკლებად: •
და: • ვითა: • აღარავინ: • ღირსა: • აგრე: • უცილებლად: •
ყოვლისა: • კაცისაგან: • მოგავსენეთ: • და: • ახლად: •
შემოგწირეთ: • თქუნ: • დიდ'ა: • და: • ცათა: • მობაძავ-
სა: • ახალსა: • იერუსალიმისა: • და: • საქუიდრებელ-
სა: • ჩუენსა: • მცხეთას: • დედა: • ქალაქსა: • ქაოლოციკე: •
ეკლესიასა: • და: • მასშინა: • სუეტსა: • ღთვე: • აღმარ-
თებულსა: • კუართსა: • საუფლოსა: • და: • მირონ-
სა: • წდასა: • წარსამართებლად: • მეფობის: • ჩუენს-
სა: • და: • ნუგეშინის: • საცემელად: • სულისა: • ჩუე-
ნისა: • დღესა: • მას: • საშინელსა: • და: • ზარის: • საკდელ-
სა: • რაითა: • გუიოხო: • წინაშე: • მსაჯულისა: • და: • და-
გუიციენე: • ორკერაძე: • მტერისა: • საფრკეთა: • და: • ყო-
ველთავე: • საენებელთაგან: • და: • ვავიჩინეთ: • აღაპი: • ივ-
ნისსა: • ათორმეტსა: • დღესა: • ონოფრობასა: • რაითა: • ყოვ-
ლითურთ: • უნაკლოლო: • აღაპი: • გარდაიკდებოდეს: • ვიდ-
რე: • გებადმდე: • ჟამთა: • მიუკუნისამდე: • და: • ამა: •
თქუნ: • წდაო: • ზღვრით: • მთავართ: • მთავარო: • პა-
ტიოსანო: • მიმსგავსებულო: • და: • თანა: • მერაბაძეო: •
წდათა: • მღვდელთ: • მოძღუართა: • ბასილის: • და: • გრი-
გოლისო: • ქართლისა: • ქკზო: • გიორგი: • რაგუარაც: • ჩუენ
გან: • ასრე: • სასოებით: • მოკსენებულსა: • და: • ახლად: •
დამტკიცებულსა: • და: • თქუნსა: • მონდობილსა: • გმარ-
თებს: • აგრე: • ივნისსა: • ათორმეტსა: • ონოფრობასა: • დღე-
სა: • თქუნ: • და: • ვინცა: • თქუნსა: • წინაშე: • მღვდელ-
ნი: • და: • დიაკონნი: • იყუნენ: • წირვითა: • და: • ერნი: •
ლოციკითა: • ყოვლითურთ: • აღსავსესა: • და: • უნაკლოლო-

სა: • ალაპსა: • გარდაიკლიდით: • და: • ვევედრები: • შედგო-
მად: • თქუენსა: • ვინც: • კათოლიკე: • ეკლესიისა: • მპყრო-
ბელნი: • ქალაიკოზნი: • იყუნენ: • და: • მას: • შინა: •
დამკვიდრებულთა: • მღღელ: • მონაზონთა: • რაითა: •
ესე: • ჩუენგან: • გულსმოდგინებით: • ნაღაწი: • არავინ: •
დაგუაკლოს: • და: • თუ: • ვინ: • დაგუაკლოს: • დამკაკლდე-
ბის: • სასუფეველისაგან: • ცათასა: • ბრწყინვალეებასა: • წდა-
თასა: • და: • შუებასა: • მართალთასა: • და: • ჩემთამცა: •
ბრალთა: • მზღველი: • არის: • წინაშე: • ლთისა: • და: •
თუ ვისრა: • ამა: • ადგილისა: • ნიშანი: • და: • ბზაი: •
აქლ: • ყუელო: • სიგლითა: • ამით: • გაგუიკუდებია: •
და: • მტკიცე: • ესეოდენ: • არის: • და: • ვინცა: • და: •
რამანცა: • გუარმან: • კაცმან: • კელყოს: • შლად: • და: •
ქცევად: • ამის: • დაწერილისა: • რასაც: • მიზეზისა: • შე-
მოდებითა: • შემც: • იცვალეების: • სჯულისაგან: • ქრისტიან-
ნეთასა: • რისხავსმცა: • მამა: • ძე: • და: • სუოი: • წდა: •
და: • ყოველნი: • წდანი: • ლთისანი: • ზეცისა: • და: • ქუე-
ყანისანი: • და: • ასდამერვისა: • ფსალმუნისა: • წყე-
ვასა: • მას: • ზედამცა: • სრულჰყოფს: • ლთი: • და: •
ვინ: • დამტკიცოს: • ლთნ: • ყოველი: • გაგებული: • მი-
სი: • მტკიცე: • ყოს: • დაიწერა: • სიგელი: • ესე: • ჩუე-
ნი: • ინდიკტიონსა: • მეფობისა: • ჩუენისასა: • მე კდ: •
ქკნსა: • პა: • ივლისსა: • ენ: • კელითა: • კარის მწიგნობრი-
სა: • ჩუენისა: • დემეტრე: • კეტასძისათა: •
ღამაზ ზეუდად: • ქ. ჩნ მეფესა: • გგსა: • ჩნთა ნებითა წადი-
ლითა: • და: • გუოს: • მოდგინებითა შემოგუიწირავს: • და მო-
გუესენებია •
ქ: • კსნ: • ესე: • ვითა: • ლთივ: • გუირგუონოსან-
მან: • მეფეთ: • მეფემან: • გგი: • წდასა: • და ცათა: •
მობაძავსა: • ხხალსა: • იერუსალემსა: • მცხეთასა: • მითი: •
ძუელითგან: • მკუილრი: • პლთა: • მეფეთაგან: • მწწირუ-
ლი: • აწ: • ხხლად: • განუახლეთ: • წარსამართებელად: • მე-



ფობი:ა: • მათისა: • ჩუენ: • ქრისტეს: • ლთისა: • მიერ: •
გვი: • გლახაკი: • ქართლისა: • ქკზი: • კანონითა: • ვამ-
ტკიცე^თ: • შემცვალბელნი: • ამინნი: • იყუნენ: • კრულ: •
წყეულ: • და შეჩუენებულ: • ვინც: • და რამანც: • გუარო-
სა: • კაცმან: • იკადროს: • და მოიგონოს: • ამა: • მეტეხ-
თა: • გამოკუებანი: • წასაგან: • კათოლიკე: • საყდრისა: •
და ჩემ: • გლახაკისა: • ჰრისხავსცა: • მამაი: • ძე: • და სუ-
ლი: • წდაი: • კურულმცა: • არის: • ცათა: • შინა: • და
ქუეყანასა: • ზედა: • მკუდარი: • და ცოცხალი: • მისი: •
კურულმცა: • არის: • ხუთთა: • პატრიაქთა: • ჯუარითა: •
შუილთა: • კრებათა: • მადლითა: • ათორმეტთა: • მოცქულ-
თა: • ჯუარითა: • ოცდა: • ოთხთა: • წინასწარმეტყუელთა: •
მადლთა: • წდათა: • მდდელთ: • მოძღუართა: • ჯუარითა: •
რომელმანც: • კაცმან: • იკადროს: • გამოთხოად: • დასაყ-
დრისა: • დაკლებად: • მეტეხთა: • კრულმცა: • არს: •
კაცი: • იგი: • ყოველთა: • წმიდათა: • ზეცისა: • და ქუეყა-
ნისათაითა: • შემცა: • ედების: • ძრწოლა: • კენისი: • კეთ-
რი: • გაეზისი: • შიშვილი: • იუდასი: • დანთქმაი: • და-
თან: • და აბირ ინისი: • გნმცა: • ვრდომილას: • დიდები-
საგან: • ღვთისა: • ვითარცა: • ეშმაკი: • ანგელოზთაგან: •
იუდა: • მოციქულთაგან: • დაარიოზ: • მართლ: • მადიდებელ-
თაგან: • და წყევლი: • იგი: • ასდამერვისა: • ფსალმუნისაი: •
დაბალამ: • ბოსორელისაი: • მას: • და: • სახლსა: • მისსა: •
ზედამცა: • დაესრულების: • აწ: • თქუენ: • წნო: • და პა-
ტიოსანო: • მდდელთ: • მოძღუარნო: • საქართველოისა: •
სამცხისა: • და: • შავშეთ: • კლარჯეთისანო: • დაკრუ-
ლეთ: • შეჩუენეთ: • კაცი: • იგი: • და წდანო: • ღთშემო-
სილნო: • მეუდაბნოენო: • საქართველოისა: • და სამცხისა-
ნო: • თქუენცა: • დაკრულეთ: • ჩეჩუენეთ: • კაცი: • იგი: •
რომელმან: • იკადროს: • დაკლებანი: • და გამოთხოვაი: • ამი-
სი: • კრულ: • წყეულ: • და შეჩუენებულ: • მადლითა: •
კათოლიკე: • ეკლესისაითა: • და მას: • შინა: • ლთივ: •



აღმართებულისა: • სუეტისა: • ცხოველისა: • ქართისა: •
 საუფლოისა: • და მირონისა: • ღთ: • მყოფელისათა: • და
 ჩუენ: • ვლახაკისა: • ჯუართა: • დამამტკიცებენი: •
 ღთნ: • აკურთხენეს: • და წდან: • დედაქალაქმან: •

ეს სიგელი ბოძებულია 1393 წ. 5 ივლისს გიორგი მეფის მიერ მისი მეფობის მე-24 ინდიკტიონს. მაშასადამე ეს გიორგი მეფე გამეფებულია 1369—1370 წ. ივლ. გიორგი მეფე სიგელში თავის თავს უწოდებს განმამართებელს ლიხთიმურისა და ლიხთამერისას, ორისავე სამეფოს მპყრობელს. გარდა ამისა ის ამბობს: „გამოწულილვით ვაძიეთ და ვცანით, რომე სულკურთხეულთა პაპათა და მამათა ჩუენთა ძუელთაგან სურვილით და წადიერებით შეწირული ქვეყანა მეტეხნი... ხან რაოდენიმე შესცულოდა და აღარა ჰქონდა“ (სვეტიცხოველსო და ხელახლად შევსწირეთო). ეს ადგილი გვიმტკიცებს, რაკი მეტეხი ქარაღშია, რომ ამ გიორგი მეფის მამა-პაპანი ქართლის ბატონები ყოფილან, უკედ ვსთქვათ გიორგი მეფე აღმოსავლეთ საქართველოს სამეფო დინასტიის წარმომადგენელია. მამა მისიც სულკურთხეულად მოხსენებულია, მაშასადამე 1393 წ. მკვდარი ყოფილა. ეს გიორგი მეფე რომ სხვა პირია და არა ის გიორგი VIII, რომელიც 1375 წ. გამეფდა, ეს ცხადია იმ გარემოებიდანაც, რომ ამ ორი გიორგის ხელის მოწერა დიდად განსხვავდება ერთი მეორისაგან.*) გამეფების წელიწადიც ორივე გიორგისა სხვა და სხვა. გიორგი მეფე, 1393 წ. სვეტიცხოველისათვის მეტეხის შემწირველი, ექვს გარეშეა აღმოსავლეთ საქართველოს დინასტიას ეკუთვნის. გიორგი VIII ფლობს მთელს საქართველოს, მაგრამ რომელს დინასტიას, აღმოსავლეთისას თუ დასავლეთისას (აფხაზეთისას) ეკუთვნის იგი? აღსანიშნავია ის გარემოება, რომ გიორგი VIII-ს საბუთებიდან სჩანს, რომ მის დროს დასავლეთ საქართველოს ჩვენი ქვეყნის პოლიტიკურ

*) გიორგი VIII-ს ხელის მოწერა მე მინახავს მეტეხის № 56 1399 წლის საბუთში და მეტეხის № 169 1398 წლის სუნღულიძეთა გუჯარში.

ცხოვრებაში მეტი მნიშვნელობა ქონია ვიდრე აღმოსავლეთს. ამას ამტკიცებს სხვათაშორის ერთი საბუთი, რომლის პირი მე ვიპოვე პეტერბურგის აზიურ მუზეუმში ბროსეს ნაქონ ქალაქებში. პირი ცუდად გადაწერილია და ამიტომ შესაფერ შესწორებით ვბეჭდავ.

ქ სახელითა ღმრთისათა დავითიანმან მეფემან გიორგიმ ბაგრატიონიანმან ნებითა ღმრთისათა მეფემან შარვანშთა, შანშე, რანთა, კახთა, ბერძენთა, სომეხთა, სვანეთისა, აფხაზეთისა, ჩრდილოეთისა, ყოვლისა საქართველოჲსა ლიხტიმერეთისა აღმოსავლეთისა და დასავლეთისა ყოველ მპყრობელ მფლობელმან მეფემან. აწი მოვიდა მოლარეთ უხუცესი ქველი ქილასძე დიდად ერთგული და ნამსახური, ჩვენისა მოლარეთ უხუცესისა ქველისა ქილასძისა აზნაურისშვილი გუგუნავა კაკუე და მისნი შვილნი---და რატი, მათ შვილთა და მომავალთა ყოველთა გვეაჯეს და მოგუაკსენეს ერთგულება მათი და ნამსახურთა მათთა სანაცულოდ სიგელი მათი შევიწყალეთ და პირველი მათი სიგელი, სისხლი მოვიკითხეთ და ძველთა მეფეთაგან იყო გაჩენილი და აწი ჩვენც გაუახლეთ და გაჩინეთ გუგუნავას კაკუეს მისთა შვილთა და მათთა მომავალთა ყოველთა გაუჩინეთ სიგელი სასისხლო. ვისაცა შეუვიდეს გუგუნავა და მათი ჩამომავალი დაგვაჯებოდეს სრული სისხლი ასი ორმოცი ათასი თეთრი ცხუმური*), თეთრი ჯორი, თეთრი ქორი მისითა ბაზიარითა, ოცი ათასი სანახშირო, სამი ათასი გერში დაგვაჯებოდეს. ვინაც სადაო და სამსჯავრო საქმე უყოს, ანუ კელი დაუშავდეს, ანუ ფეკი დაუშავდეს, ანუ წინა კბილი ჩააგდებინოს, თექუსმეტი ათასი თეთრი დაგვაჯებოდეს. ვინცა თვალი წამოაგდებინოს, თექუსმეტი ათასი თეთრი დაგვაჯებოდეს. ვინცა გაუპატიოსნოს და გაძარცოს ანუ შეარცხინოს, ათი ათასი თეთრი დაგვაჯებოდეს. ვინცა ბატონს შეაბეზლოს, სრული სისხლი დაგვაჯებოდეს. ვინცა ცოლი დაუტონოს, თერთმეტი (sic) ათასი თეთრი დაგვა-

*) ნამდვილში ცხვარი სწერია.

ბოდეს, ამისთვის რომ ორი სიკვდილია. ვინცა ცოლი დაუორსულოს, ორმოცდაათი ათასი თეთრი დაეაჯებოდეს. ვინცა ქალი დაუგდოს, რომ დასაგდები არ იყოს, ჩვიდმეტი ათასი თეთრი დაეაჯებოდეს. ვინცა სასახლეში ჩაუხტეს, ოცდა ათი ათასი თეთრი დაეაჯებოდეს. ვინცა ისინი აგინოს, რომ არ ქირდეს, ცხრა ათასი თეთრი დაეაჯებოდეს. ვინცა სასახლე დაუწვას, ორმოცი ათასი თეთრი. ვინცა ეკლესიას ეშუღლოს, შვიდი ათასი დაეაჯებოდეს. ვინცა ჯოჯი გაუტეხოს ანუ გაუსხას, ოცდაორმეტი ათასი თეთრი დაეაჯებოდეს. გუგუნავას კაკუეს და მათთა შვილთა და მათთა ყოველთა ასორმოცი ათასი თეთრი ცხუმური, თეთრი ჯორი, თეთრი ქორი მისითა ბაზიართა დაეაჯებოდეს გუგუნავას ყოვლისა ადამისა ტომისაგან მიზეზ მოუღებელად. პირველი ძველი მეფეთაგან გაჩენილი აწი ჩუენცა ახლად გაუახლეთ, შეგიწყალეთ და გბოდეთ თქუენ გუგუნავას სიგელი ესე. აწისა დამხთომად და მოწამედ არიან ჩუენი სიძე ამირეჯიბი ჩიჯავაძე კახაბერი, რაქის ერისთავი აღბულა, მესტუმრე ლომინაძე გუნებითი (sic) ჯავშანა, ქართლისა კათალიკოზი, ჩუენი დარბაზის ერნი ყოველნი. მე დემეტრეს მარკოზის შვილს დამიწერია და მოწამეცა ვარ ამისა.

(ხელის მოწერა.)

ამ სიგელში, რომელიც ფრიად ცუდად გადმოწერილია, მოხსენებულია მეფის სიძე ამირეჯიბი ჩიჯავაძე კახაბერი, რომელსაც ცოლად ყავდა გიორგი VIII-ს და ულუმბია*). ჩიჯავაძე დასავლ. საქართველოს დიდებულთაგანია. მესტუმრე ლომინაძე, მოლარეთ უხუცესი ქილაძე აგრეთვე დასავლ. საქართველოს მკვიდრნი არიან. საინტერესოა ის გარემოებაც, რომ კოსტანტინე მეფის მიერ 1408 წ. ბოძებულ ცირდილასძეთა სიგელში მოხსენებულია მანდატურთუხუცესი დადიანი და სვანთა ერისთავი გურიელი. ეს ფაქტები ცხადად გვიჩვენებს, რომ XIV საუკ. მეორე ნახევარში და მე-XV საუკ.

*) ქრონიკ. II 213.

დასაწყისში პოლიტიკური სასწორი დასავლეთ საქართველო-
საკენ იყო გადახრილი. რით უნდა აიხსნას ეს გარემოება, დი-
ნასტიური მიზეზებით თუ რაიმე სხვა პირობებით? რომ დინას-
ტიური მიზეზები აქ არაფერს უშაშია, ეს ცხადად სჩანს იმ
გარემოებიდან, რომ გიორგი VIII და ძმა მისი კოსტანტინე,
აგრეთვე დიდი ალექსანდრე მეფე ყოფილან აღმოსავლეთ სა-
ქართველოს სამეფო დინასტიის წარმომადგენელი.*) ეს ცხადად
სჩანს ერთი საბუთიდან, რომელიც ეკუთვნის ალექსანდრე
მეფეს დაბოძებულია 119 ქორონიკონს (1431 წ.). ეს სიგე-
ლი (მცხეთისა № 23) დაწერილია ქალაქდზე ზომით 82X27
სანტმ.**)

ქ:• ჩუენ:• მეფეთ:• მეფემან:• ალექსანდრე:• და:• თანა:•
მეცხედრემან:• ჩუენმან:• პატრონმან:• დედოფალთა:• დედო-
ფალმან:• თამარ:• და:• ძეთა:• ჩუენთა:• ვახტანგ:• დიმიტრი:•
გგი:• და:• ზალ:• ესე:• წიგნი:• მოგაკსენე:• თქუენ:•
წმიდასა:• და:• მალალსა:• ცათა:• მობაძავსა:• დედაქა-
ლაქსა:• მცხეთასა:• და:• თქუენისა:• საყდრისა:• მპყრო-
ბელსა:• და:• ჩუენისა:• სულისა:• მოძღუარსა:• და:•
მეოხსა:• პატრონსა:• კათალიკოზსა:• თეოდორეს:• ვი-
ნეთგან:• თუისთა:• შექმნულთათუის:• კსნად:• მოსრულ-
მან:• მეუფემან:• ჩუენთა:• შთამომავალთა:• და:• გუარტომ-
თა:• განსუენება:• თქუენსა:• წინშე:• ჯერიჩინა:• და:
ვხედავთ:• რომელ:• წუთგანქარვებადსა:• ამას:• სოფელ-
სა:• დაუტეობთ:• და:• ყოველივე:• ცხორება:• ჩუენი:•

*) ამ ორი წლის წინად მე იმ აზრს ვადექი, რომ გიორგი VIII და მისი მოადგენი აფხაზეთის დინასტიის უნდა ყოფილიყვნენ და მე-XIV საუკ. მეორე ნახევარში ამ დინასტიას დაეპყრო აღმოსავლეთი საქართველო (ჩემი Черты феодальной строя გვ. II.) მაშინ მე შეცდომაში შემიყვანა იმ გარემობამ, რამ ზოგი ფრიად მნიშვნელოვანი საბუთი მხოლოდ შემოკლებით იყო ცნობილი ლიტერატურაში (თ. ქორდანის „ქრონიკებით“).

**) ეს სიგელი შემოკლებით დაბეჭდილი იყო თ. ქორდანის „ქრონიკ.“ II, 237—238.

სიზმარი: და: აჩრდილები: უჩინო იქმნების: ამაღა: ჩუენ-
ცა: ვსცანით: და: ვი: აცნაურეთ: რომელ: კეთილი: და:
უცვალეგელი: ცხორება: ესე: არს: რათა: მე:
კოდვილმან: ვიდრე: არა: სრულად: წარწყმე-
დად: და: ამიერ: განსლვად: ჩემდამდე: საწყალობე-
ლისა: სულისა: ჩუენისა: საღიხინობელად: ქველი-
სა: საქმესა: რასამე: მქმე: და: შემძლებელ ვიქ-
მნე: და: ამად: აღმძრა: სურვილმან: და: სიყუა-
რულმან: აურაცხელთა: წყალობათა: თქუენთა: მოქენეობისა-
მან: და: ვირჩიე: მოვრდომად: სახლსა: მაგას: ლთისა: და:
მეუფისა: ჩემისა: და: დამკუიდრებად: სამკუიდრებელსა:
თანა: სულკურთხეულთა: პაპთა: და: მომავალთა: ჩუენ-
თათა: და: თქუენმიერთა: შეწევნითა: და: ძალ-
მწეობითა: კელვავთ: უსჯულოთა: აგარის: ნათესავთა-
გან: ჩუენგან: ძრწოლით: ძნად: საოქუთა: თქუმაღ-
ცა: დაქცეულისა: საყდრისა: და: სრულიად: უნგუ-
შენისცემოდ: განსრულისა: აწ: ახლად: აღშენებად:
და: განვრცომად: და: აღვაშენე: და: განსრულდა: ნე-
ბებითა: და: ძალმწეობითა: თქუენითა: ყდვე: უ-
ნაკლულოდ: თავი: ცათა: მობაძავი: საყდარი: და: მას:
შინა: ლთივ: აღმართებული: სუეტი: ცხოველი: და:
კუალად: თქუენდა: მოლტოლვილთა: და: შემოვედ-
რებულთა: ჩუენთა: მომავალთა: და: ჩუენი: საფლავი:
და: ვითარი: ჯერიყო: ეგევთარითა: თავი: საყდარ-
ი: პატივითა: და: წესითა: შევამკვე: და: ანგელოზ-
თა: სწორნი: წმიდანნი: მონაზონნი: და: მღრდელნი:
და: მრავალნი: საკმარნი: მგალობელნი: შეეკრიბენ:
და: რომელ: ძუელითგან: შემკობილი: იყო: და: წეს-
ნი: და: აღაპნი: განჩენილნი: იყუნეს: და: შესავალნი:
დაბანი: და: ქუეყანანი: ჰქონდეს: მასხედა: შეუმატეთ:
და: უმეტესად: განვაგრცეთ: და: ჩუენთა: საფლავთა:
ზღა: მიმდემად: მდგომნი: მწირველნი: და: დაუხე-

ბელნი: • კანდელნი: • განვაჩინენით: • და: • ვითარ: •
გუმარტებს: • და: • ჩუენგან: სათანადო: • არის: • ეგრეთ: •
კულადვე: ვინებეთ: • შემატება: და: გაზედაება: • და: • შევ-
სწირეთ: • და: • მოვასენეთ: • ძუელითგან: • მეფეთაგან: •
შემკობილი: • აღშენებული: • და: • გადიდებული: • მთა: ვირ-
შისა: • მონასტერი: • და: • მისნი: • შესავალნი: • ბადასშვი-
ლნი: • და: • ქორდი: • და: • მასაქათ: • ანუ: • მთას: •
და: • ანუ ბარს: • რაცა: • მამულნი: • ანუ: • გლეხნი: • და:
ანუ: • პარტახტი: • და: • ანუ: • მზღვარი: • ჰქონებიან: • მისი-
თა: • მიმდგამითა: • ყანითა: • ვენაკითა: • წყლითა: • წისქუი-
ლითა: • ქალითა: • სათიბითა: • ტყითა: • სანადიროთა: •
მითთა: • და: • ბარითა: • მზღვრითა: • საკმრითა: • და: უკმრითა: •
საძებრითა: • და: უძებრითა: • მისითა: • სამართლიანითა: •
ყუალათა: • ერთობ: უნაკლულოდ: • მოგუიკსენებია: •
თქუენ: • დიდისა: • და: ცათა: • მობაძავისა: • მცხეთისა: •
საყდრისათუის: • და: თქუენისა: • მპყრობელისა: • ჩუენი-
სა: • სულისა: • მოძღურისა: • და: მეოხისა: • კათალიკოზი-
სა: • თეოდორესათუის: • მოგუიკსენებია: • ძუელითგან: •
ჩუენითა: • მომავალთა: • მეფეთაგან: • გადიდებული: • და: • შე-
კობილი: • ვირშა: • მთა: • და: • მონასტერი: • და: • მისნი: •
შესავალნი: • ქორდი: • და: • ბადასშვილნი: • და: • მასაქათ:
რაცა: • ძუელითგან: • მთას: • და: • ანუ: • მამულნი: • და:
ანუ: • გლეხნი: • და: • ზღვარნი: • და: • პარტახტნი: • ჰქონე-
ბიან: • ყანითა: • ვენაკითა: • წყლითა: • წისქულითა: • ქა-
ლითა: • სათიბითა: • ტყითა: • სანადიროთა: • მითთა: •
და: • ბარითა: • საკმრითა: • და: უკმრითა: • საძებრითა: • და: უძე-
ბრითა: • მისითა: • მიმდგამითა: • სამართლიანითა: • ყუალა-
თა: • ყდვე: • უნაკლულოდ: • მოგუიკსენებია: • და: •
გქონდეს: • ყოვლისა: • დაბადებულისა: • აღამის ნათესავისა
გან: • მოუდევრად: • და: • უსარჩუელად: • ძუელითგან: •
მეფეთაგან: • აღშენებული: • შემკობილი: • და: • გადიდებუ-
ლი: • ვირშა: • მთა: • და: • მონასტერი: • გქონდეს: • თქუენ: •

დიდსა: • და: ცათა: მობაძაესა: • საყდარსა: • ჩუენისა: სუ-
ლისა: • განმანათლებელსა: • მცხეთასა: • და: • თქუენისა: •
საყდრისა: • მპყრობელსა: • ჩუენისა: სულისა: მოძღუარსა: •
კთალიკოზსა: • თეოდორეს: • და: რაცა სად რა: • ვირშისა:
შესავალნი: არიან: ქორდი: და: ბადასშვილნი: • და: რაცა
სად რა: • ანუ: მოას: და: და: ანუ: • ბარს: • ზღვარნი: გლეხ-
ნი: • და: პარტახტნი: ჰქონან: • ყანითა: ვენაკითა: • წყლი-
თა: • წისქვილითა: • ქალითა: სათიბითა: • ტყითა: • სა-
ნადიროთა: • საკმრითა: • და: უკმრითა: მისითა: • საქმბრი-
თა: და: უძმბრითა: • ყულათა: • ყდვე: • უნაკლულოდ: •
არას: უამისა: • შემოსრულობისა: და: გამოცვალებისა-
თუის: • არ: • ზოგეშალოს: • და: ვერავინ: • იკად-
როს: • ამისად: სარჩლად: და: ცილებად: • ვითა: •
ჩუენთა: • მომავალთა: • მეფეთაგან: • აღშენებულისა: •
და: გადიდებულისა: და: პატივცემულისა: • და: •
აწ: • ჩუენგან: • ახლად: • (შემოწირულისა: • და: სამკუ-
იდროდ: მოკსენებულისა: დაცილება: • არავის: • მარ-
თებს: • აგრე: • და: • ვინცა: • დაგეცილოს: პირნი: •
და: პასუხისა: გაძცემნი: ჩუენ: ვართ: • და: ვირშისა: •
მთისა: და: მონასტრისა: და: მისთა: შესავალთა: • ვითა: •
არვინ: • ღირსა: • ყოვლისა: კაცისაგან: • უაჯო: • არის: •
და: დაღათუ ვისმე: • შემოტყუვილითა: • ანუ: მამული: და: •
ანუ: გლეხი: • და: ანუ: • ზღვარი: და: ყანა: და: ვენაკი:
დიდი: გინდა: მკირე: გამუეჯოს: იგი: ყულათა: • ამა: და-
წერილითა: გაგუიცილებია: • და: მტკიცე: • ესეოდენ: •
არის: • ამა: • ვირშისა: • სახლისა: ულუფა: • ძუელით-
განვე: ჩუენთა: • მომავალთა: • მეფეთაგან: • ამოკუეთილი:
და: გაშუებული: არის: • და: • მასაქათ: • როგორცა: •
სხუანი: • მცხეთისა: მაჟულნი: • შეუვალნი: • არიან: •
აგრევე: • ესე: შეუვალად: • და: თარხნად: • ზოგუიკსენე-
ბია: • და: არასთანა: • სათხოვარი: • არაოდეს: • ეთხო-
ებოდეს: • აწ: • ვინცა: • ნახოთ: • ბჭა: და: • სიგელი: •

ესე: • ჩუენი: • შეიღგომად: • ჩუენსა: • მომავალთა: •
შეფეთა: • და დედოფალთა: • ერისთავთა: • ერისთავ-
თა: • და: კარისა: • ჩუენისა: ვაზირთა: • და: მოუ-
რავთა: • მეჯინიბეთა: • მერემაეთა: • მპარავთმეძებარ-
თა: • ბაზიარცა: • მეულუფეთა: მეულაყეთა: • მესა-
ბანჯრეთა: • და: • ყოველთავე: კარით: • ჩუენით: • წარ-
ვლენილთა: • მოსამსახურეთა: დიდთა: • და: • მცირეთა: •
დაუმტკიცეთ: • და: • ნუვინ: უშალოავთ: • სასოებით: • და:
მტკიცედ: მოკსენებულსა: • ამას: • ჩუენსა: • და: ნუკავინ:
იკადრებთ: • დაკლებად: ნუ: დიდი: • და: • ნუ: • მცირე: •
თუნიერ: • თანა: დგომისა: • და: • შემატებისაგან: • კიდე: •
და: ვინცა: • რამანცა: • კაცმან: • ანუ: • ჩუენთა: მომავა-
ლთაგან: • და: ანუ: • სხვისა: • გუარისამან: • ამისად: მოშ-
ლად: • კელყოთ: • ჩუენთამცა: ბრალთა: • და: ცოდვათა-
თუის: • პასუხს: • მიმცემელ: • თქუენ: იქნებით: • პასუხის:
მიმცემელ: • წინაშე: • ღთისა: • დაიწერა: • ბზა: • და:
სიგელი: • ესე: • ქკნსა: • .. რით: ინდიკიონსა: • მეფო-
ბისა: • ჩუენისასა: • ით: • კელითა: • კარის: მწიგნობრისა: •
ჩუენისა: კლიმი: კაკლაჩასძისათა: • .. თქუენ: • კათალიკო-
ზი: • თეოდორე: • ამას: • შემოგუპირდი: • რომე: • ოკლო-
მბერსა: • ოცდაერთსა: • ამირეჯიბისა: • მიცვალებისა: •
დღესა: ყოველთა: • წელიწადთა: • წლითიწლად: • ამირე-
ჯიბისათუის: • ღთივ: აღმართებულსა: • სუეტსა: • ცხო-
ველსა: • წინაშე: • კარგადებული: • ალაპი: • გარდიკდებო-
დეს: • ესრეთ: • რომე: • არნიცა: • მცხეთას: მღრდე-
ლნი: • და: მონაზონნი: იყუნენ: მწირველნი: • ამირეჯიბის-
ათუის: • უმსა: • წირევედენ: • და: • ტრაპეზს: • შევიდო-
დენ: • და: დედაბერთათუის: • და: გლახაკათათუის: • კარი: •
ლია: იყოს: • და: ვითარი: • ჯერიყოს: ეგევითა: • სანოვა-
გითა: • ალაპი: • გარდიკდებოდეს: • ესე: • სადამდის: •
ღთსა: ენებოს: • და: • თქუენ: • ამოდ: • და: უვნებელად:
ეგნეთ: • თქუენ: • პატრონი: • კათალიკოზი: • თეოდორე: •

ნუ: დაკლებთ: • და: • წილითი: • წლად: • გარდიკდიდეთ: •
და: • შემდგომად: • თქუენსა: • ვინცა: • კათალიკოზნი: •
დაიდგინენ: • მათგანცა: • ყოველთა: • წელიწადთა: • ეს-
რეთ: • გარდიკდებოდეს: • და: • ნუმცავისგან: • დაგუა-
ლდების: •

ხვეულად: ქ: დაგვიმტკიცებია

ქადეგ ბეჭედი წარწერათ: მონა ღთისა ალექსანდრე, რომე-
ლიც შესაძლებელია ეკუთვნოდეს კახეთის მეფეს ალექსანდრე II-ს
(† 1605 წ.)

ამ სიგლით ალექსანდრე მეფეს სვეტიცხოვლისათვის
მოუხსენებია „ძუელითგან ჩუენთა მომავალთა მეფეთაგან
გადიდებული და შემკობილი ვირშა“ და მოუსურვებია „დამ-
კუილრებად სამკუილრებელსა თანა სულკურთხეულთა ჰაპათა
და მომავალთა ჩვენთათა“. აქედან სჩანს, რომ სვეტიცხოველი
ყოფილა სამკვიდრებელი ალექსანდრეს წინაპართა და ჰა-
პათა. ეს გარემოება ჩემის აზრით იმისი მაჩვენებელია, რომ
ალექსანდრეს მამა და ჰაპა აღმოსავლეთ საქართველოს სა-
მეფო დინასტიის წარმომადგენელი უნდა ყოფილიყვნენ,
წინამდღევ „მემთხვევაში თუ კი ალექსანდრეს მამა და ჰაპა
აფხაზეთის სამეფოს სახლის წევრნი ყოფილიყვნენ, მათ წინა-
პართა საფლავი მცხეთა არ იქნებოდა.

ამ გვარად გამოდის, რომ გიორგი VIII, ბიძა ალექ-
სანდრე მეფისა, რომელიც გამეფდა 1375 წ. და მოკლულ-
იქნა 1406 წ., იმავესამეფოს შტოს წარმომადგენელია, რო-
მლისაც უნდა ყოფილიყო მისი თანამედროვე სხვა გიორგი
მეფე, 1393 წლის სიგელში მცხეთის ტაძრისთვის მეტეხის
შემწირველი. რა ნათესაობითი დამოკიდებულება უნდა ყო-
ფილიყო ამ ორის მეფის შორის? სანამდის ეს საკითხი გაურ-
კვეველია, მანამდის უცნაურად სჩანს ერთსა და იმავე
დროს ორი საქართველოს მეფის არსებობა. ამ საკითხს აშუ-
ქებს ერთი საბუთი მცხეთისა № 612, ტყავზე დაწერილი
კათალიკოზის ელიოზის დროს (1399—1419). ტყა-

ვი გადარეცხილია, ეტყობა უწინ სხვა ტექსტი ყოფილა მხედრულად დაწერილი. ზომა სიგელისა 55 X 11 1/5 სანტმ. აი ეს სიგელი სრულ იად უცვლელად, რომელიც შემოკლებით დაბეჭდილი იყო „ქრონიკებში“ II, 218.

ქ: სახელითა: ღთისათა: მამისა: ძისა: და: სულისა: წმიდისათა: და: მეოხებითა: ყლ: წმიდისა: ღთის: მშობელისათა: სვეტისა: ცხოველისა: კუართისა: საუფლოსა: მირონ: ღთ: მყოფელისათა: თავდებობითა: წმიდათა: მთავარანგელოზთა: მიქაელ: და: გაბრიელისითა: თავსდებობითა: ყოველთა: წმიდათა: ღთისათა: ზეცისა: და: ქუეყანისათა: კორციელთა: და: უკორთა: ჩუენ: ქრისტეს: ღთისა: მიერ: კურთხეულმან: კზმან ელიოზ: ესე წყალობისა: წიგნი: და: სიგელი: გიბოძეთ: თქუენ: ცხეოსნიძეთა: იოვანეს: და: ინანასა: და: ოქროპირსა: ასრე: და: ამა: პირსა: ზედა: გიბოძეთ: შენივე: ძველად: ნაქონები: გარდასხვაებული: მამული: დადისა: მეფეთ: მეფისა: ბაგრატისა: და: მეფეთ: მეფისა: გიორგის: დამან: ახლად: ყოვლადვე: მოგაკსენე: ჩემთ: ძმათ: სალაპე: და: თქუენ: მცხეთისშვილთა: იოონეს: პროკოპის: და: ინანასა გქონდეს: და: გიბედნიეროს: ღწ: შვილთა: და: მომავალთა: სახლისა: თქუენისათა: ყოველთავე: ამან: ბუკურისძესა მოგუიციეშია: ნ. სყრდობითა: წყლითა: წისქულითა: ნაფუძრითა: მთითა: ბარითა: ქალითა: მისისა: სამართლიანითა: აღარაოდეს: მოგიშალოს: არა: ჩუენგან: და: არა: სხვათა: კზთაგან: ვინცა: მოგეშალოს: რისხავს: თავად: ღთი: და: მერმე: სვეტი: ცხოველი: ამას: გარდა: ქადაგანთიგნ: დაწინდული: ექვსის: კაცი: საბარი: ვენაკი: თევდორე: ცხეოსიძემან: [დაიკ]სნა:

+ კზი

სხვა ხელით: ესე: სიგელი: თამარ: დედოფლის: ქმისა იყო: და: ახლად: გამოცვალებით - - - როგორც ამ სიგლიდან სჩანს, პირველად თავისი ძმების სააღაპედ მამული დაუდვია მეფეთ მეფისა ბაგრატისა და მეფეთ



მეფისა გიორგისა დას“ და შემდეგ ეს დადგენილ ება და ამტკიცებოდა კათალიკოსს ელიოზს. ბოლო მინაწერიდან, რომელიც შესაძლებელია თვით კათალიკოსს ელიოზს ეკუთვნოდეს, საგულისხმებელია, რომ ბაგრატისა და გიორგი მეფეების და უნდა ყოფილიყო თამარ დედოფალი. ყოველს შემთხვევაში ჩვენთვის ფრიად საინტერესოა, რომ მე-XIV საუკუნეში, როგორც საფიქრებელია, აღმოსავლეთ საქართველოში — განჩინებას ამტკიცებს ქართლის კათალიკოსი ელიოზ — ყოფილან ძმები მეფეები ბაგრატ და გიორგი. ეს ბაგრატი უნდა იყოს პაპა ალექსანდრესი, რომელიც მეფობდა 1375 წლამდე და ძმა მისი გიორგი 1393 წლის ზემოდ მოყვანილ სიგლის მბოძებელი, რომელიც ტახტზედ დამჯდარა 1369 წელს. ის გარემოება, რომ ალაპის დამდებელი თავის თავს უწოდებს ჯერ ბაგრატისა და შემდეგ გიორგის დად, უნდა გვიჩვენებდეს, რომ ბაგრატ იყო უფროსი ძმა. რაკი გიორგი მეფე გამეფებულია 1369 წელს, ბაგრატის გამეფებაც ამ წელს უნდა მიეუთვნოს. ამ 1369 წელსვე მიიცვალა ალბად მამა ჩათი. ვინ უნდა ყოფილა ბაგრატ და გიორგი მეფეების მამა? მე-XIV საუკუნის ნახევარში საქართველოში მეფობს დავით, გიორგი ბრწყინვალის შვილი. ვახუშტის კიდევ უნახავს ან დავით მეფის ორი სიგელი 1354 და 1355 წლისა *). 1355 წლის სიგელმა ჩვენამდისაც მოადწია **). დავით მეფის სიკვდილის დროს შესახებ ვახუშტის ნაშედეგი ცნობა არ ქონდა, მაგრამ ვახუშტი იპოვა ქრონიკული ცნობა, 49 ქორონიკონს (1360—1361 წ. 1 სექტემ) დიდის ბაგრატისგან სვანთა მოწყვეტის შესახებ. „ქორონიკონს 49, მზე დაბნელდა და სვანთა ქუთათისი დასწვეს“ დიდმან ბაგრატ მეფემან მოსწყვიტნა და დაიპყრნა და თურქთ სამცხე მოარბოეს“ ***). ეს დიდი

*) ქართ. ც-ბა, II, 238.

***) ქრონიკ. II, 185. ორი ამ მეფის სიგელი დაბეჭდილია კიდევ შეცდომებით „საქარ. სიძველ.“ II ტ. 9—10.

****) ქართ. ც-ბა II, 238. შეადარე გვ. 3 იქვე.



ბაგრატ ქორონიკულ ცნობით „გარდახდა“ 83 ქორონიკონს (1394—1395 1 სექტ.) ეს ის ბაგრატია, რომელიც ტყვედ ჩაუფარდა თემურლენგს. რადგან ამ ცნობათა მიხედვით ბაგრატ მეფე ქუთაისის პატრონია და იმავე დროს თემურლენგის ბრძოლაში აღმოსავლეთ საქართველოსა და ტფილისის პატრონი, ამიტომ ვახუშტის შეეძლო რასაკვირველია დაესკვნა, რომ ბაგრატი 1361 წლიდან საქართველოს მეფედ უნდა ყოფილიყო. მაშასადამე ამ ანგარიშით დავით მეფის სიკვდილი მოდის დაახლოვებით 1360 წელს, რაც ვახუშტიმ კიდევ მიიღო თავის ქრონოლოგიურ სხემაში. ნამდვილად კი დავით მეფე უცახალი ყოფილა 1360 წლის შემდეგაც. ამისი ცხადი საბუთია ერთი პატარა ოქმი ამ მეფისა ბოძებული 1364 წ. 31 დეკემბერს. ეს ოქმი დაწერილია ქალაქდზე და მიჩვენა მე 3. კარბელაშვილმა ამ სამი წლის წინად.

ქ ჩუენ მეფეთა მეფესა დავითს ესე ბზაი ამისად ნიშნად გუიბოძებია ეზოს ჩუხერახო პიპია, გორის ქიზიყელისეული მამული შენტუის გუიბოძებია სამართლიანად გასყიდული და დაწინდულიც ყველა შენ მოიკლე და გქონდეს ერთგულად სამსახურსა შიგა მეფობისა ჩუენისასა ურდოს ლაშქარს შინა და გარე ყველგან. დიწერა ბზაი ესე ქნსა ნგ დეკენბერსა და, კელითა კარისა მწიგნობრისა ჩუენისა ქურისძისა. სვეულად ამტვიცებს მეფე.

ამ გვარად 1364 წლის მიწურულს დავით მეფე კიდევ უცახალია. რაკი მისი მემკვიდრე ბაგრატ მეფე, როგორც დავინახეთ, 1369 წ. გამეფებულა, მაშასადამე დავით მეფის სიკვდილის წლად 1369 წ. უნდა დაიდვას.

ახლა საჭიროა გამოიკვეს, ვინ უნდა იყოს ის ბაგრატ მეფე, რომელიც მიღებულის ტრადიციით 1395 წლამდის საქართველოს განაგებდა. ეს ბაგრატ 1361 წ. აჯანყებულს სვანებს ამშვიდებს. 1367 წ. ირთავს ტრაპეზუნტის მეფის



ქალს. ტრაპეზუნტის სამეფო სახლის მექრონიკე მას უწოდებს ივერთა და აფხაზთა მეფეს. 1385 წ. ის ტყვედ უფარდება თავის ცოლთან ანა დედოფალთან ერთად ტფილისის ალების დროს თემურლენგს და 1395 წ. კვდება ტყვეობიდან განთავისუფლებული. ბაგრატის საქართველოში მეფობის შესახებ აზრის განმტკიცებას ექვს გარეშეა ხელი შეუწყო იმ გარემოებამ, რომ ტფილისის ალების დროს 1385 წ. თემურლენგს სწორედ ის ჩაუვარდა ხელში. მაგრამ ეს გარემოება თავის თავად, ჩემის აზრით, სრულიადაც არ უნდა იყოს იმის დამამტკიცებელი, რომ ბაგრატ ამ დროს მთელს საქართველოს ფლობდა. უტყუარი საბუთები გვიჩვენებენ, რომ საქართველოს ბატონი ამ დროს სხვა მეფე—გიორგი VIII იყო. ისიც უკვე ვნახეთ, რომ ეს ბაგრატ მეფე იმ სამეფო შტოს არ ეკუთვნოდა, რომელსაც ეკუთვნოდა გიორგი VIII და მისი ძმა კოსტანტინე მეფე. რაკი ესენი მკვიდრნი აღმოსავლეთ საქართველოს ბატონები იყვნენ, ცხადია ბაგრატ მეფე, 1395 წ. გარდაცვლილი, უნდა ყოფილიყო მეორე ბაგრატიონთა დინასტიისა, სახელდობრ აფხაზეთის სამეფო შტოსი. ამ აზრს ამტკიცებს ის გარემოება, რომ 1361 წ. ქუთაისის დაწვის დროს სვანებზე გაილაშქრა სწორედ ამ ბაგრატ მეფემ. ცხადია, ის ქუთაისის ბატონი უნდა ყოფილიყო. მიქაელ ფანარეტის ქრონიკაც მას აფხაზეთის მეფედ იხსენიებს. ის გარემოება, რომ თემურლენგის შემოსევის დროს აფხაზეთის მეფე ბაგრატ ტფილისში მოყვა, ადვილი გასაგებია, თუ ნიკილებთ მხედველობაში საქართველოა, ორი უმთავრეს სამეფოს—საქართველოსა და აფხაზეთის—გაერთიანებას მე-XIV საუკ. მეორე ნახევარში. როდის მოხდა ეს გაერთიანება ამას მე ცალკე წერილში შევხებით, ახლა კი საკმარისია მოვიხსენიოთ, რომ გიორგი მეფე, გიორგი VIII-ს ბიძა, 1393 წლის ზემოდ დაბეჭდილ სიგელში თავისს ტიტულატურაში ხმარობს ფრიად საყურადღებო ფორმულას, რომელიც იმის შემდეგ 200 წლის განმავლობაში ჩვეულებრივ მოვლენად

ხდება ქართველ მეფების სიგელებში. გიორგი მეფე თავის თავზე ამბობს: „ჩუენ... განმერთებელჳან ლიხთიმერისა და ლიხთამერისამან ორისავე სამეფოსა მტკიცედ და შეუწყველად მპყრობელიან აფხაზთა და ქართველთა გეფუთა მეფემან გიორგი“. ზემოდ მოყვანილ სამი ოქმიდან ცხადი იყო, რომ გიორგი VIII დასაუღეს საქართველოსაც ფლობს. ერთის სიტყვით, თემურლენგის შემოსევათა დროს საქართველოს გაერთიანება შესრულებული საქმე იყა. ასეთს პირობებში გასაკვირველად არ უნდა ჩაითვალოს, თუ ბაგრა ტაფხაზეთის სამეფო დინასტიის წარმომადგენელი მეფე, ვითარცა ვასსალი გიორგი VIII-სა თემურლენგს ტფილისში დახვედროდეს. ყველა ზემოდ მოყვანილ საბუთებისა და მოსაზრებისა გამო შთამომავლობითი შტო დიდის ალექსანდრე მეფის წინაპართა შემდეგ ნაირად გვეხატება:

დავით მეფე, ძე გიორგი ბრწყინვალისა

† 1369

ბაგრატ 1369—1375

გიორგი

1369—ცოცხ. 1393 წ.

გიორგი VIII
1375—1406

კოსტანტინე
1406—1412

ალექსანდრე II
1412—1442

ბაგრატ

გიორგი

